

TARIKH	JUMAAT, 6 SEPTEMBER 2024
AKHBAR	BERITA HARIAN
TAJUK ARTIKEL	RMK13 IMBANGI KEPERLUAN SEMUA LAPISAN MASYARAKAT
M/S	7
BIDANG	MANAGEMENT
KATA KUNCI	RMK13

BH Jumaat, 6 September 2024
Nasional 7



Rafizi berucap pada Majlis Persidangan Permulaan RMK13 di Kuala Lumpur, semalam. (Foto BERNAMA)

RMK13 imbangi keperluan semua lapisan masyarakat

Input pelbagai pihak diperlukan bagi tentukan dengan tepat hala tuju dasar negara

Oleh Hazwan Faisal Mohamad bhnews@bh.com.my

Kuala Lumpur: Rancangan Malaysia Ke-13 (RMK13) akan mengambil pendekatan yang lebih ringkas, padat dan menyeluruh, mirip dengan Rancangan Malaysia Pertama (RMK1) dengan setiap aspek akan tertumpu kepada hala tuju dasar tertentu, kata Menteri Ekonomi, Rafizi Ramli.

RMK13 sudah semestinya akan mengimbangi keperluan semua rakyat dalam masyarakat termasuk keperluan Bumiputera.

Beliau berkata, merangka RMK13 adalah cabaran yang besar kerana ekonomi negara kini lebih kompleks dan berfokus kepada kepelbagaian.

"Fasa perancangan ini ibarat 'kanvas kosong'. Kami ingin mendapatkan idea dan input kreatif daripada pelbagai pihak supaya hala tuju dasar negara dapat ditentukan dengan tepat," katanya pada Persidangan Permulaan RMK13 semalam.

Kanvas kosong merujuk kepada segala idea dan input kreatif masih boleh diterima, tanpa terikat dengan sebarang dasar atau pendekatan lama.

Maknanya, ia adalah peluang untuk membina sesuatu yang baru tanpa terikat dengan status quo, dengan kebebasan untuk mencorakkan hala tuju dasar negara dari awal.

RMK1 adalah rancangan pembangunan ekonomi negara yang pertama dilaksanakan sesudah tertubuhnya Malaysia. Ia dilaksanakan selama lima tahun di antara 1966 hingga 1970, memabikikan seluruh Malaysia termasuk Sabah dan Sarawak.

Matlamat RMK1 ketika pelaksananya adalah untuk menjaga kebebasan seluruh rakyat dengan meningkatkan taraf hidup kawasan luar bandar, terutamanya dalam kalangan rakyat berpendapatan rendah.

Antara tumpuan khusus RMK1 adalah memajukan sektor pertanian untuk memperbaiki sosioekonomi penduduk luar bandar yang membawa kepada penubuhan FELDA untuk membangunkan sosioekonomi penduduk luar bandar, membuka banyak projek tanah sehingga 1966, antaranya Segitiga Jengka di Pahang, Projek Pahang Tenggara dan Projek Johor Tenggara.

Projek ini berjaya meningkatkan taraf hidup petani serta menambah peluang pekerjaan dan mengurangkan pengangguran di luar bandar.

Pembaharuan berperingkat

Rafizi berkata, kerajaan kini lebih cenderung melaksanakan pembaharuan secara berperingkat, bukannya rangka tindakan besar bagi membolehkan penyesuaian kepada pelan berdasarkan maklum balas rakyat.

Menyentuh mengenai sejarah ekonomi negara, Rafizi berkata, pada awalnya tumpuan negara adalah kepada komoditi seperti getah dan bijih timah.

Kemudian, negara beralih kepada minyak sawit dan petroleum yang membantu Malaysia menjana pendapatan tinggi serta memperluas eksport ke peringkat global.

Beliau juga menekankan RMK13 tidak hanya melihat perancangan untuk lima tahun akan datang tetapi turut membayangkan masa depan Malaysia pada 2040.

"Kita perlu berfikir di luar kerangka dasar individu dan memikirkan apa yang akan mendorong ekonomi negara untuk generasi akan datang," tambahnya.

Beliau berkata, Asia Tenggara dijangka berkembang pada kadar empat peratus setiap tahun hingga 2040, menjadikan rantau ini ekonomi keempat terbesar dunia, dengan Malaysia berada di tengah-tengah pertumbuhan global.

Beliau percaya bahawa tumpuan kepada kepelbagaian ekonomi adalah penting untuk memastikan Malaysia dapat bersaing dengan ekonomi besar seperti India dan China.

Katanya, ekonomi Malaysia perlu digerakkan oleh penggunaan dalam negeri yang lebih tinggi, yang akan mencipta lebih banyak pekerjaan dan meningkatkan pendapatan rakyat.

Ini akan membawa kepada peningkatan pelaburan dalam infrastruktur awam seperti penjagaan kesihatan dan pendidikan.

Katanya, RMK13 yang sedang dirangka dijangka mengambil masa enam bulan untuk disiapkan iaitu Mei tahun depan.

Beliau berkata, ia dijadualkan dibentangkan di Dewan Rakyat pada Julai tahun depan selepas mendapat kelulusan Kabinet.

PENCAPAIAN KEMAJUAN SOSIOEKONOMI NEGARA MENUNJUKKAN TREND POSITIF

Pencapaian sasaran terpilih

Pertumbuhan KDNK berada dalam lingkungan sasaran berkembang sebanyak 5.2% setahun (2021-2023)

Indeks Kesejahteraan Rakyat Malaysia meningkat sebanyak 1.8% setahun, disokong oleh kemajuan ekonomi dan sosial yang kukuh (2021-2022)

Kapasiti terpasang Tenaga Boleh Baharu mencapai 24.3% pada 2022, dan mengikut jadual untuk mencapai sasaran 31% menjelang 2025

IMD

Kedudukan ke-33 dalam Sub-Indeks Kecekapan Kerajaan (2024) dalam IMD World Competitiveness Yearbook

2021-2023 2.8% Kadar inflasi	2022 0.2% Kemiskinan tegar	2021-2023 0.95% Perbelanjaan kasar R&D kepada KDNK
2023 89.8% Kebolehpasaran graduan IPT dan TVET	2022 2.07% Nisbah katil hospital per 1,000 penduduk	2021-2023 38.4% Sumbangan PMKS kepada KDNK
2021-2023 -5.0% Defisit fiskal kepada KDNK	2021-2023 114.5 RIBU Rumah mampu milik	2021-2023 57 Kedudukan Indeks Persepsi Rasuah

PENCAPAIAN MATLAMAT PELBAGAI DIMENSI RMK12

MATLAMAT	PENCAPAIAN
5.0% hingga 6.0% pertumbuhan KDNK setahun	2021-2023 5.2%
3.7% pertumbuhan produktiviti buruh setahun	2021-2023 2.8%
RM10,065 purata pendapatan bulanan isi rumah pada 2025	2022 RM8,479
Sehingga 45% pengurangan intensiti pelepasan GHG kepada KDNK pada 2030 berdasarkan intensiti pelepasan pada 2005	N/A*
RM61,000 PNK per kapita pada 2025	2023 RM52,991
40% bahagian pampasan pekerja daripada KDNK pada 2025	2023 33.1%
1.9 Jurang KDNK per kapita antara Wilayah Tengah dan Sabah pada 2025	2023 1.2.2
1.4% peningkatan Indeks Kesejahteraan Rakyat Malaysia setahun	2021-2022 1.8%

*N/A = tiada maklumat

Selanjutnya: B11

DISEDIAKAN OLEH	NOR SURIANI BINTI MOHD ZIN (S44), BPM UNIT PERPUSTAKAAN, BPM
-----------------	---